

Faamoemoe e ala ia Iesu Keriso

Aisea ou te manaomia ai le fesoasoani a Iesu Keriso ina ia faaatoatoaina ai?

Na faasoa mai Elder J Devn Cornish o le Fitugafulu:



E tele ina tatou faalogo i o tatou tagata o fesili, “O lava ea lo’u lelei o se tagata?” po o le “Pe o le a ou ausia moni ea le malo selesitila?” Ioe, e leai se mea faapea o le “lava o le tulaga lelei.” E leai ma se tasi o i tatou e mafai ona “galueaina” pe “agavaa” mo lo tatou faaolataga, ae o se mea masani lava le tomanatu pe faamata e taliaina i tatou i luma o le Alii, ona o le auala lea ou te malamalama ai i nei fesili. . . .

Se’i ou tuu sa’o ma manino. O tali i fesili “O lava ea lo’u lelei?” ma le “Pe o le a ou ausiaina ea?” o le “Ioe! O le a oo ina lava lo outou lelei” ma “Ioe, o le a outou ausiaina pe afai tou te salamo pea ma aua le fai ‘alofaga ma fouvale.” O le Atua o le lagi e le o se laualā le alofa e saili i soo se ‘alofaga e lafoai ai i tatou mai le taaloga. O la o lo tatou Tama e alofa atoatoa, ua naunau atili mai i lo se isi lava mea ia toe foi uma atu Lana fanau i le aiga ma mau faatasi ma la o ni aiga e faavavau. Na la foai moni mai lava Lona Alo e Toatasi na Fanaua ina ia le fano i tatou ae maua le ola e faavavau! Faamolemole ia talitonu, ma faamolemole ia faamoemoe ma faamafanafanaina, mai lenei upumoni e faavavau. Ua faamoemoe lo tatou Tama Faalelagi ia tatou ausia! O Lana galuega ma Lona mamalu lena. (J. Devn Cornish, “O Lava Ea Lo’u Lelei? Pe O Le A Ou Ausia Ea?,” *Liahona*, Nov. 2016, 32–33)

O le a se mea e mafai ona ou faia ina ia “faaatoatoaina ai e ala ia Iesu”?

Na aoao mai Sister Carol F. McConkie, sa i le Au Peresitene Aoao o Tamaitai Talavou:



O lo tatou faamoemoe mo le paia ua faatotonugalemu ia Keriso, i Lona alofa mutimutivale ma Lona alofa tunoa. O le faatuatua ia Iesu Keriso ma Lana Togiola, e mafai ai ona tatou mamā, aunoa ma se ila, pe a tatou faafiti i tatou lava mai mea e le faaleatua [tagai Moronae 10:32–33] ma salamo faamaoni. E papatisoina i tatou i le vai mo le faamagaloga o agasala. E faapaiaina o tatou agaga pe a tatou maua le Agaga Paia ma loto matala. O vaiaso taitasi, tatou te aai ma feinu ai i le sauniga o le faamanatuga. I le agaga o le salamo, ma manaoga faamaoni mo le amiotonu, tatou te osifeagaiga ai ua tatou malilie e tauave i o tatou luga le suafa o Keriso, manatua pea o la, ma tausi Ana poloaiga ina ia tatou maua pea Lona Agaga e faatasi ma i tatou. Mulimuli ane, ao tatou taumafai e le aunoa ina ia tasi ma le Tama, le Alo, ma le Agaga Paia, o le a tofusua i tatou ma se vaega o lo latou natura paia [tagai i le 2 Peteru 1:4]. (Carol F. McConkie, “O Le Malumalu e Matagofie,” *Liahona*, Me 2017, 10)

Na aoao mai Elder Dale G. Renlund o le Korama a Aposetolo e Toasefululua:



“E popole tele le Atua po o ai i tatou ma po o a ituaiga tagata e avea ai i tatou, nai lo tagata sa tatou i ai i le tuana'i. E popole o la ina ia tatou taumafai pea. (Dale G. Renlund, “Le Au Paia o Aso e Gata Ai, Taumafai Pea,” *Liahona*, Me 2015, 56)